



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 8 Mac 2022	
1	20 kucing mati diracun
2	Ambil sampel
3	Kubur kucing digali semula, JPV siasat unsur kematian
4	Cops investigate death of 15 cats in Besut
5	Polis siasat insiden 20 kucing mati disyaki diracun
6	Sampel kucing mati diracundihantar ke makmal

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSI**

20 kucing mati diracun

Bangkai ditemui dengan kesan lebam, darah dan perut terburai

Oleh Nurul Fatimah Sulaimi
bhnews@bh.com.my

Kuala Terengganu: Kesan lebam biru pada perut, darah pada mulut dan hidung, serta ada yang terburai perut.

Demikian antara hasil pemeriksaan awal terhadap kira-kira 20 kucing yang ditemukan bergelimpangan disyaki akibat diracun, termasuk 15 mati, di kawasan Pantai Bukit Keluang, kelmarin.

Ketua Polis Daerah Besut, Superintendan Abdul Rozak Muhammad, berkata pihak penguatkuasaan dan teknikal daripada Pejabat Perkhidmatan Veterinar Besut serta Kuala Terengganu sudah membuat pemeriksaan di lokasi kejadian.

Katanya, polis juga membuka kertas siasatan, selepas meneri-

ma aduan daripada seorang individu yang mendapat video melalui WhatsApp berhubung kejadian itu, kelmarin.

Beliau berkata, hasil siasatan awal mendapati bangkai haiwan berkenaan ditemukan seorang lelaki yang pada mulanya terlihat beberapa kucing mati bergelimpangan di atas tanah sekitar pantai itu kira-kira jam 8.30 pagi kelmarin.

"Dua kucing terbabit ditemukan mati berdekatan persisiran pantai, manakala 13 lagi di atas tanah berdekatan pokok.

"Selain itu, dua kucing dilaporkan masih hidup tetapi berada dalam keadaan kesakitan. Lelaki itu kemudian menanam semua kucing yang sudah mati berkenaan," katanya dalam satu kenyataan, semalam.

Abdul Rozak berkata, pihak veterinar yang melakukan pemeriksaan di lokasi kejadian kemudian mengorek semula dan mengeluarkan semua bangkai kucing yang ditanam itu, sebelum mengambil sampel untuk tujuan analisis.

Beliau berkata, kes disiasat mengikut Seksyen 428 Kanun Keseksan (Khianat Ke Atas Bina-



Kakitangan JPV Terengganu mengeluarkan bangkai kucing ditemui di kawasan Pantai Bukit Keluang, Besut, petang semalam. (Foto ihsan pembaca)

tang) yang boleh dikenakan hukuman penjara hingga tiga tahun atau denda atau kedua-duanya sekali, jika sabit kesalahan.

Media sebelum ini melaporkan seorang pengunjung di Pantai Bukit Keluang terkejut apabila menemui bangkai kira-kira 20 kucing bergelimpangan disyaki akibat diracun, jam 9.30 pagi kelmarin.

Sementara itu, Jabatan Perkhidmatan Veterinar (JPV) Terengganu selesai mengambil

sampel daripada bangkai kucing untuk dianalisis di makmal susulan kes 15 haiwan itu mati bergelimpangan disyaki akibat diracun.

Pengarahnya, Dr Anun Man, berkata sampel terbabit dihantar ke makmal untuk tujuan analisis kimia dan diagnostik.

Terdahulu, katanya, sebuah pasukan operasi Unit Kebajikan Haiwan dan Penguat Kuasa Veterinar Negeri digerak untuk melakukan siasatan di lapangan.



KAKITANGAN JPV Terengganu di lokasi bangkai kucing ditemui di Taman Awam Pantai Bukit Keluang.

Oleh Nurul Fatimah Sulaimi
am@hmetro.com.my

Besut

Jabatan Perkhidmatan Veterinar (JPV) Terengganu sudah mengambil sampel kucing di Taman Awam Pantai Bukit Keluang di sini, untuk ujian makmal selepas 15 ekor haiwan berkenaan ditemukan mati disyaki diracun.

Pengarah JPV negeri, Dr Anun Man berkata, sampel berkenaan dihantar ke makmal untuk tujuan analisis kimia dan diagnostik.

Katanya, sebelum ini pihaknya menerima aduan

Ambil sampel

JPV Terengganu hantar spesimen 15 kucing disyaki kena racun untuk analisis kimia

berhubung penemuan bangkai kucing yang mati disyaki diracun, kelmarin.

"Satu pasukan operasi Unit Kebajikan Haiwan dan Penguat kuasa JPV negeri bergerak untuk melakukan siasatan di lapangan.

"Sebanyak 15 bangkai kucing dari pelbagai usia, jantina dan warna ditunjukkan di lokasi berkenaan oleh pengadu," katanya dalam satu

kenyataan, semalam.

Katanya, bedah siasat dilaksanakan oleh JPV dan sampel dihantar ke makmal untuk tujuan analisis kimia dan diagnostik.

"JPV melalui Penguatkuasa Veterinar Negeri membuka kertas siasatan mengikut Seksyen 31(1)(a) Akta Kebajikan Haiwan 2015 (Akta 772) bagi tindakan lanjut.

"Jika sabit kesalahan, boleh hukuman maksimum penjara sehingga tiga tahun dan/atau denda maksimum sehingga RM100,000," katanya.

Katanya, orang ramai disarankan membuat aduan kebajikan haiwan secara rasmi menerusi laman sesawang MyAnimalWelfare di <https://awa.dvs.gov.my/sup-port>.

Kesan lebam di perut, mulut

Besut: Hasil pemeriksaan awal menemukan kesan lebam di perut, mulut dan hidung berdarah selain ada yang terburai perut pada 20 ekor kucing yang mati bergelimpangan disyaki diracun di Pantai Bukit Keluang di sini, kelmarin.

Ketua Polis Daerah Besut, Superintendan Abdul Rozak Muhammad berkata, sebanyak 15 ekor kucing mati manakala dua ekor kucing masih hidup namun dalam keadaan kesakitan. Semua kucing yang mati ditanam oleh lelaki itu.

"Unit Penguatkuasaan dan Teknikal dari Jabatan Perkhidmatan Veterinar (JPV) Besut serta JPV Kuala Terengganu turut membuat pemeriksaan di tempat kejadian.

"Mereka mengorek semula dan mengeluarkan semua kucing ditanam dan mengambil sampel untuk tujuan analisis," katanya.

Menurutnya, pengadu percaya kematian kucing itu akibat perbuatan khianat individu atau kumpulan tidak bertanggungjawab apabila sengaja membunuh haiwan berkenaan.

Katanya, kes disiasat mengikut Seksyen 428 Kanun Keseksaan kerana khianat ke atas binatang.

Portal Harian Metro kelmarin melaporkan seorang pengunjung Pantai Bukit Keluang terkejut apabila melihat kira-kira 20 bangkai kucing bergelimpangan disyaki diracun jam 9.30 pagi.

Abdul Rozak berkata, terdapat kesan lebam biru pada perut kucing, darah

Pengadu menerima WhatsApp dan video daripada seseorang
Abdul Rozak

Kubur kucing digali semula, JPV siasat unsur kematian



JPV Terengganu menggali semula kubur kucing bagi mengambil sampel untuk dianalisis di Pantai Kuang, Besut semalam.

BESUT - Terdapat kesan lebam, mulut dan hidung berdarah serta sebahagiannya ditemui dalam keadaan perut terburai.

Demikian keadaan kucing-kucing yang ditemui mati dipercayai akibat diracun di Pantai Kuang di sini kelmarin.

Ketua Polis Daerah Besut, Superintendan Abdul Rozak Muhammad berkata, seorang lelaki yang juga saksi kejadian memaklumkan menemui dua ekor kucing mati di pesisir pantai, manakala 13 ekor lagi dijumpai bergelimpangan di Pantai Keku-

"Beberapa ekor kucing lain pula masih hidup, namun dalam keadaan kesakitan," katanya di sini semalam.

Menurut Abdul Rozak, lelaki itu kemudian menanam 20 ekor bangkai kucing di lokasi kejadian.

Pasukan Penguatkuasaan dan Teknikal Jabatan Perkhidmatan Veterinar (JPV) Besut dan Kuala Terengganu kemudian menggali semula kubur untuk siasatan.

Siasatan dijalankan mengikut Seksyen 428 Kanun Keseksaan iaitu khianat ke atas binatang yang membawa hukuman penjara sehingga tiga tahun atau den-

da atau kedua-duanya.

Sementara itu, Pengarah JPV Terengganu, Dr Anun Man memberitahu, sampel telah diambil untuk analisis dan siasatan dijalankan mengikut Seksyen 31(1)(a) Akta Kebajikan Haiwan 2015 yang membawa hukuman penjara sehingga tiga tahun atau denda maksimum RM100,000.

Kosmo! semalam melaporkan seorang staf penapisan air terkejut bercampur marah apabila mendapati 20 ekor kucing mati bergelimpangan di pesisir Pantai Keluang dipercayai diracun pihak tidak bertanggungjawab.

TARIKH	MEDIA	RUANGAN	MUKA SURAT
8.3.2022	THE SUN	NEWS	5

Cops investigate death of 15 cats in Besut

KUALA TERENGGANU: Police have started a probe following the discovery of several dead stray cats, believed to have been killed, at the Bukit Keluang Beach resort area in Besut last Sunday.

Besut police chief Supt Abdul Rozak Mohammad said police received a report from a man, who had received a video via WhatsApp, on the death of the cats at the resort area at about 10am on Sunday.

"A total of 15 cats were found dead while two cats were still alive but in pain," he said in a statement yesterday.

He said the complainant believed the cats were killed by an irresponsible individual or a group of people. Police are investigating the case under Section 428 of the Penal Code for committing mischief by killing or maiming animals, which provides imprisonment of up to three years or a fine, or both.

Meanwhile, the Terengganu Veterinary Services Department (VSD) conducted a post-mortem on the dead cats and samples have been sent to a laboratory for analysis.

State VSD director Dr Anun Man said the department has also launched a probe under Section 31(1)(a) of the Animal Welfare Act 2015 (Act 772), and advised the public to lodge animal welfare complaints on its website at <https://awa/dvs.gov.my/support>. - Bernama

TARIKH	MEDIA	RUANGAN	MUKA SURAT
8.3.2022	SINAR HARIAN	NEGERI TERENGGANU & KELANTAN	26

Polis siasat insiden 20 kucing mati disyaki diracun

Dipercayai berpunca daripada perbuatan khianat oleh pihak tidak bertanggungjawab

Oleh NORHASPIDA YATTM

BESUT

Polis menyiasat insiden 20 ekor kucing mati dipercayai diracun dalam kejadian di kawasan perikanan sekitar Pantai Bukit Keluang, di sini pada Ahad.

Ketua Polis Daerah Besut, Superintendan Abdul Rozak Mohammad berkata, kes berkenaan disiasat di bawah Seksyen 428 Kanun Keseksaan (khianat ke atas binatang) yang boleh dikenakan hukuman penjara sehingga tiga tahun atau denda atau kedua-duanya sekali.

"Pihak polis menerima aduan daripada seorang lelaki warga tempatan sekitar jam 10 pagi pada Ahad memaklumkan mengenai kejadian itu.

"Siasatan awal mendapati terdapat beberapa ekor kucing mati di sekitar pantai tersebut, dua daripadanya mati berdekatan pesisiran pantai manakala 13 ekor lagi mati di atas tanah berdekatan pokok-pokok," katanya dalam kenyataan di sini, pada Isnin.

Menurut Abdul Rozak, pengadu percaya kematian kucing-kucing itu berpunca daripada perbuatan khianat oleh individu atau pihak tidak bertanggungjawab.



Sebahagian daripada kucing-kucing yang ditemui mati di kawasan Pantai Bukit Keluang, Besut, pada Ahad.

"Terdapat kesan lebam biru pada perut kucing, darah pada mulut dan hidung serta ada yang terburai perut.

"15 ekor kucing telah mati manakala dua ekor kucing masih hidup namun dalam keadaan kesakitan. Kucing yang telah mati itu telah ditanam di kawasan tersebut," katanya.

Sementara itu, Pengarah Jabatan Perkhidmatan Veterinar (JPV) Terengganu, Dr Anun Man berkata, sampel 15 kucing yang mati itu telah dihantar ke makmal untuk dianalisis.

Menurutnya keputusan analisis jangka diperolehi dalam tempoh dua minggu.

"Bedah siasat telah dijalankan dan sampel telah dihantar ke makmal untuk tujuan analisis kimia dan diagnostik.

"Biasanya keputusan proses analisis makmal akan diperolehi dalam tempoh dua

minggu. Kita cuba bincang sekiranya keputusan dapat dipertimbangkan lebih awal," katanya ketika dihubungi pada Isnin.

Menurut Anun, pasukan operasi Unit Kebajikan Haiwan dan Penguatkuasa Veterinar Negeri telah digerakkan untuk melakukan siasatan di lapangan sebaik menerima aduan mengenai insiden itu pada Ahad.

Katanya, sebanyak 15 bangkai kucing pelbagai umur, jantina dan warna dikesan berada di lokasi kejadian.

"Kertas siasatan dibuka di bawah Seksyen 31(1)(a) Akta Kebajikan Haiwan 2015 (Akta 772) bagi menjalankan siasatan yang lebih terperinci berkenaan aduan tersebut," katanya.

Penemuan bangkai kucing tular di media sosial sejak Ahad setelah ia ditemui bergelimpangan di kawasan rekreasi berkenaan.

TARIKH	MEDIA	RUANGAN	MUKA SURAT
8.3.2022	UTUSAN MALAYSIA	ONLINE	-

SAMPEL KUCING MATI DIRACUN DIHANTAR KE MAKMAL

Oleh ROSALINDA MD SAID

7 Mac 2022, 1:27 pm



KAKITANGAN Jabatan Perkhidmatan Veterinar (JPV) Terengganu mengambil bangkai 15 kucing yang dipercayai mati diracun di pantai Bukit Keluang di Besut, semalam.

KUALA TERENGGANU: Kesemua 15 sampel kucing yang dipercayai mati diracun di pantai Bukit Keluang di Besut dihantar ke makmal untuk dianalisis.

Pengarah Jabatan Perkhidmatan Veterinar (JPV) negeri, Dr. Anun Man berkata, proses bedah siasat terhadap bangkai-bangkai haiwan daripada pelbagai umur, jantina dan warna itu selesai dilakukan pihaknya, semalam.

Menurut beliau, siasatan lanjut kini dijalankan mengikut Seksyen 31(1)(a) Akta Kebajikan Haiwan 2015 (Akta 772).

“Semalam, kita menerima aduan kucing mati disyaki diracun dan pasukan operasi Unit Kebajikan Haiwan dan Penguatkuasa Veterinar Negeri dikerahkan ke lapangan untuk melakukan siasatan.

“Bedah siasat sudah dijalankan dan sampel dihantar ke makmal untuk analisis kimia serta diagnostik,” katanya dalam kenyataan di sini hari ini.

Semalam, tular gambar dan video kucing-kucing mati bergelimpangan di pantai Bukit Keluang hingga mengundang rasa marah warganet.

Menurut Anun, pendakwaan dilakukan di bawah Akta Kebajikan Haiwan 2015 dan jika sabit kesalahan boleh dihukum penjara sehingga tiga tahun dan atau denda maksimum RM100,000.

Sehubungan itu, katanya, orang awam boleh menyalurkan sebarang aduan kebajikan haiwan secara rasmi menerusi laman web MyAnimalWelfare di <https://awa.dvs.gov.my/support>. – UTUSAN